



UPS! URED ZA PODRŠKU
STUDENTIMA



UNAPREĐENJE KVALITETA TERCIJARNOG OBRAZOVANJA KROZ CENTRE/UREDE ZA PODRŠKU I ASISTIVNU TEHNOLOGIJU S POSEBNIM FOKUSOM NA ŽENE S INVALIDITETOM

**Vidljive i osnažENE – prilike i sistemska rješenja u kreiranju
visokoškolskog obrazovanja za sve**

Datum: 27. mart 2026.

Mjesto: Univerzitet u Sarajevu, Centar za interdisciplinarne studije „prof.dr. Zdravko Grebo“

Organizator: Ured za podršku studentima Univerziteta u Sarajevu u saradnji sa organizacijom MyRight u Bosni i Hercegovini, partnerskim univerzitetima/sveučilištima iz Banja Luke, Istočnog Sarajeva i Mostara i Udruženjem Život sa Down sindromom Federacije Bosne i Hercegovine

Kontekst

U Bosni i Hercegovini studenti i studentice s invaliditetom i dalje se suočavaju sa značajnim preprekama u pristupu i uspješnom završetku visokoškolskog obrazovanja. Iako je pravo na obrazovanje garantovano međunarodnim konvencijama i domaćim zakonodavstvom, u praksi mnogi univerziteti/sveučilišta još uvijek nemaju razvijene sistemske mehanizme podrške studentima/studenticama s invaliditetom.

Istraživanja provedena u Bosni i Hercegovini ukazuju da su posebno djevojke i žene s invaliditetom izložene višestrukim barijerama, uključujući nedostatak pristupačnih obrazovnih resursa, ograničenu institucionalnu podršku i nedovoljnu dostupnost asistivnih tehnologija.

Istovremeno, iskustva univerziteta/sveučilišta koji su razvili centre/urede za podršku studentima (s invaliditetom) pokazuju da sistemska podrška, pristupačne tehnologije i koordinirana institucionalna politika mogu

značajno unaprijediti inkluzivnost visokoškolskog obrazovanja, da kroz sistemsku podršku i smanjenje barijera osiguraju pristupačno obrazovanje.

Cilj okruglog stola

Cilj okruglog stola je unapređenje kvalitetnog univerzitetskog/sveučilišnog obrazovanja za studente i studentice s invaliditetom kroz razvoj univerzitetskih/sveučilišnih ureda/centara za podršku, primjenu asistivne tehnologije i jačanje tranzicije od obrazovanja do tržišta rada.

Skup se fokusira na:

- razvoj i jačanje univerzitetskih/sveučilišnih centara/ureda za podršku studentima s invaliditetom,
- dostupnost i primjenu asistivne tehnologije u obrazovanju,
- unapređenje podrške studentima i studenticama s invaliditetom tokom studija i
- jačanje veze između obrazovanja i zapošljavanja.

Kroz saradnju univerziteta/sveučilišta, organizacija civilnog društva i institucija, skup doprinosi unapređenju inkluzivnosti na tercijarnom nivou obrazovanja i povećanju mogućnosti zapošljavanja mladih, s naglaskom na žene s invaliditetom.

11:00 – 11:30	Registracija učesnika/učesnica/Izjave za medije
11:30 – 11:35	Otvaranje skupa i pozdravne riječi
11:35 – 11:50	Pravo na inkluzivno visoko obrazovanje u praksi: mehanizmi podrške, razumna prilagodba i asistivna tehnologija
11:50 – 12:05	Riječ studentica: Perspektiva alumne i bivše studentice – poruka univerzitetskim/sveučilišnim centrima/uredima za podršku studentima (s invaliditetom)
12:05 – 12:45	Moj centar/ured – tvoj centar/ured – naš centar/ured
12:45 – 13:10	Riječ studentica: Moja poruka univerzitetskim/sveučilišnim uredima/centrima za podršku
13:10 – 13:45	Diskusija
13:45 – 14:00	Zaključci i zatvaranje skupa
14:00	Ručak

Pristup i metodologija

Okrugli stol će okupiti predstavnike univerziteta/sveučilišta iz različitih dijelova Bosne i Hercegovine, organizacije osoba s invaliditetom, studentice i studente (s invaliditetom), predstavnike institucija i stručnjake iz oblasti inkluzivnog obrazovanja.

Kroz razmjenu iskustava, studentske perspektive i diskusiju sa relevantnim akterima, skup će identificirati konkretne korake za unapređenje inkluzivnosti visokoškolskog obrazovanja u Bosni i Hercegovini.

Poseban segment događaja uključuje i predstavljanje asistivnih tehnologija koje mogu značajno unaprijediti pristup obrazovnim sadržajima i akademskom životu.

Očekivani rezultat

Kao rezultat skupa, planirano je formuliranje ključnih preporuka za unapređenje inkluzivnosti visokoškolskog obrazovanja, koje će biti upućene univerzitetima/sveučilištima i relevantnim institucijama.

Cilj je doprinijeti razvoju obrazovnog sistema u kojem studenti i studentice s invaliditetom imaju stvarne i jednake mogućnosti za obrazovanje, profesionalni razvoj i zapošljavanje.

KLJUČNE PORUKE

1. Obrazovanje bez barijera!

Kvalitetno visoko obrazovanje osigurava da studenti i studentice s invaliditetom imaju jednake mogućnosti za učenje, razvoj i akademski uspjeh. Jednak pristup obrazovanju je osnovno pravo, a ne privilegija.

2. Žene s invaliditetom se suočavaju sa višestrukim barijerama – jednake prilike za studente i studentice s invaliditetom!

Bez systemske podrške i pristupačnih univerziteta/sveučilišta, mnoge djevojke s invaliditetom nikada ne dođu do fakulteta ili odustanu tokom studija. Otvoren pristup u visokom obrazovanju ključan je za ravnopravnu uključenost i profesionalni razvoj svih. Univerziteti/sveučilišta trebaju biti dostupni i pristupačni svima.

3. Asistivna tehnologija transformira pristup obrazovanju i otvara vrata znanju

Digitalna rješenja i pristupačni obrazovni alati omogućavaju studentima i studenticama s invaliditetom ravnopravno učešće, učenje i postignuće u akademskom životu. Tehnologija može ukloniti mnoge prepreke u učenju – ali samo ako je dostupna, financirana i integrirana u univerzitetske/sveučilišne sisteme podrške.

4. Inkluzija u obrazovanju znači inkluzija u društvu

Studenti/studentice s invaliditetom koji završe studij imaju veće šanse za zapošljavanje, ekonomsku nezavisnost i aktivno učešće u društvu. Stoga, podrška studentima i studenticama s invaliditetom znači ulaganje u budućnost.